

**Ô poète qu'ény mourt** *Simin Palay julh 1961*

Ô poète qu'ény mourt...qu'ère tan poc de cause  
qu'arrés nou s'en éy dat. E coum n'abè maysoû,  
ni tèrres, ni dinès e qu'arré n'ère soû,  
tranquile que sera dechat debat la lause.

Si, toutû : qu'abera dechat quauque cansoû.  
lhèu û dous soûs bercets en û co que repause...  
D'aquère fremesoû qui cercara l'encause  
sens de poudé trouba qui-n ésté l'arrè-soû ?

Coum ey ue lutsine au demiey de l'auràtye,  
drin de plouye dessus û sòu autalèu sec.

Ô poète qu'ény mourt... û petit eslambrec,

qui-s brembe de l'ausèt doun lou beroy ramàdye  
û die e-nse hasou puya l'amne entau cèu ?...

û poète qu'ény mourt...Més qui-u hara rampèu ?